

Tematica : Corpuumanu è salute

Sottutematica : Microrganismi è salute ; agenti patogeni è malatie vetturiali

Cunniscenze di u programma ufficiale (BO) :

A sparghjera di u patogenu si face cù u cambiamentu d'ospite. Esige sia un cuntattu trà ospiti, sia un passaghju per mezu di l'ambiente (aria, acqua), sia un vettore biologicu chì hè tandu l'agente trasmettente indispensèvule di u patogenu (assicura a maturazione è/o a moltiplicazione di u patogenu).

Capacità di u BO :	Livelli d'acquistu		
	A	ECA	NA
Osservà strisci sanguigni d'individui colpiti da a malaria.			
Osservà apparechji buccali d'insetti vettori d'agenti patogeni.			
Sfruttà basi di dati chì permettenu di cunnosce a ripartizione, a prevalenza o l'impattu in termini di salute publica d'una malatia à trasmissione vettoriale.			
Cumunicà cù un linguaghju scientificamente adattatu à l'urale.			
U riservoriu di patogeni pò esseumanu o animale (malatu o micca).			

Situazione iniziale

U Mediterraniu hè statu decimatu da a malaria dapoi l'Antichità. Versu u 1875, a speranza di vita « ùn vàmicca al di là di 26 anni in Aléria », 22 anni in Biguglia, 29 anni in Portivechju ! Durante assai tempu cunsiderata cum'è unu di i fochi i più virulenti di a malaria in u Mediterraniu, è dopu à a lege di u 15 dicembre 1911 chì stabilisce un quadru ghjuridicu per u risanamentu di a costa, a Corsica hà cunnisciutu una trasfurmazione radicale di a situazione sanitaria à partesi da u 1943, grazia à l'intervenzione di e forze americane alleate. Quist'annu marca una svolta decisiva in a lotta contr'à una malatia chì, durante seculi, hà marcatu i paisaghji fisichi, suciali è demografichi di l'isula.

A malaria in Corsica è u risanamentu di a costa orientale. Rousseau editore, 1907. Michel Casta, Dizziunariu storicu di a Corsica. Albiana. Stratti.

Ogettivu

Cerchemu à spiegà u rollu di l'agenti patogeni presenti in u nostru ambiente in a trasmissione di e malatie.

Attività pratica

Cù l'aiutu di l'infurmazioni pigliate da u situ nant'à e malatie vetturiali è di e vostre osservazioni à u microscopiu, presentate à l'urale una descrizione di a malaria.

Cummenti per l'insignante

Si pò imaginà un studiu di a malaria cù tutta a classa, per dà esempi di e nuzioni di vettore, agente patogenu, riservoriu è prevalenza.

A presentazione nant'à a malaria pò esse data à binomii cù bisogni particolari (per esempiu : terzu tempu), mentre chì l'altri binomii presenteranu ognunu una altra malatia vettoriale.

Materiale :Siti internet :

- Malatie vetturiali è zoonosi – Ministeru di a Salute, di a Famiglia, di l'Autunumia è di e Persone cù un handicap.
- Pudete seguità u ligame quì sopra (CTRL + clic manca).

Lame fine :

- strisciu sanguignu d'una persona colpita da a malaria ;
- testa d'una zinzara di u generu *Anopheles*.

Dispositivu d'acquistu di figuri :

- Camera di tipu Motic.

Prutucollu

Travagliarete à dui.

Prupunerete una presentazione di massimu 5 diapusive nant'à a malaria (sintomi, agente patogenu, vettore, riservorii è prevalenza di a malaria in u mondu sanu).

U vostru tempu di presentazione serà trà 2 è 3 minuti è serà spartutu in modu uguale trà i dui cumpagni di a squadra.

Aghju riesciutu sì	Cummentarii
Tutte e mo diapusive presentanu un' illustrazione cù un titulu (legende s'ellu ci vole)	
Aghju integratu e mo osservazioni fatte à u microscopiu	
U tempu di parolla hè rispettatu	
U tempu di parolla hè bè spartutu trà eiu è u mo cumpagnu	